

Vlasti pokazale da konsenzusom mogu pobijediti ekonomsku krizu



Vlasti u BiH pokazale su da mogu postići konsenzus koji će pomoći u stvaranju radnih mjesta, rekao je danas visoki predstavnik i specijalni predstavnik EU Valentin Inzko tokom sastanka sa potpredsjednikom Evropske banke za obnovu i razvoj Vareлом Freemanom povodom sporazuma koji su bosanskohercegovačke vlasti jučer potpisale sa Evropskom bankom za obnovu i razvoj (EBRD). EBRD je pristala da pozajmi 50 miliona eura Agenciji za osiguranje depozita u BiH. To će omogućiti Agenciji za osiguranje depozita da podigne iznos osiguranja individualnih depozita sa 20,000 KM na 50,000 KM.

Donošenje izmjena i dopuna Zakona o dugu i garancijama BiH bilo je uslov za potpisivanje sporazuma. Usvajanje je odgođeno zbog opšteg političkog zastoja, ali je u konačnici postignut dogovor, čime su omogućene direktne prednosti za građane BiH.

“Podizanje nivoa osiguranja depozita će značajno povećati povjerenje u bankarski sektor u BiH, a to podrazumijeva jačanje kapaciteta tog sektora da usmjerava novac u mala i srednja preduzeća”, rekao je visoki predstavnik i specijalni predstavnik EU. “Ulaganje u ta preduzeća znači nova radna mjesta.”

Visoki predstavnik i specijalni predstavnik EU je rekao da je osnovni zadatak sada “osigurati isti napredak u realizaciji

drugih mjera koje će pomoći Bosni i Hercegovini da izađe iz ekonomске krize.”

Visoki predstavnik i specijalni predstavnik EU naglasio je da, iako je politički zastoj ozbiljno obeshrabrio ulaganja u Bosnu i Hercegovinu, i dalje postoje značajne prilike za uspješne projekte. On je dodao da će biti mnogo više takvih prilika ako se ključne ekonomске reforme provedu prije oktobarskih izbora.

“Nadam se da će vijest o jučerašnjem potpisivanju Sporazuma o osiguranju depozita dodatno povećati povjerenje u bankarski sektor BiH”, rekao je visoki predstavnik i specijalni predstavnik EU. “Također se nadam da ću vidjeti promptno ispunjenje svih drugih obaveza, uključujući i onih koje se odnose na koridor Vc. Ovaj i drugi razvojni projekti mogu pomoći Bosni i Hercegovini da se oporavi od ekonomске krize. Ovi projekti ne mogu i ne smiju biti taoci politike.”

Evropska banka za obnovu i razvoj (EBRD) je najveći institucionalni investitor u Bosni i Hercegovini koji pomaže razvoj infrastrukture, uključujući izgradnju puteva i željeznica, i energetski sektor, te je angažiranjem na infrastrukturnim projektima pomogla da se uspostave ključne bosanskohercegovačke regulatorne institucije. U oktobru 2008. godine, Banka se saglasila da BiH dā zajam od 180 miliona eura za izgradnju ključnih dionica koridora Vc. Ova banka također usmjerava sredstva, ili direktno ili indirektno preko lokalnih finansijskih posrednika, u mala i srednja preduzeća u BiH.

Od početka njenog djelovanja u Bosni i Hercegovini, Evropska banka za obnovu i razvoj je dodijelila više od jedne milijarde eura za razne sektore ekonomije BiH, mobilizirajući dodatne investicije vrijedne više od 1,6 milijardi eura.

“Pomoć EBRD-a razvoju infrastrukture u Bosni i Hercegovini i njenom finansijskom i privatnom sektoru je od suštinskog značaja za podsticanje razvoja”, rekao je visoki predstavnik i specijalni predstavnik EU potpredsjedniku Freemanu. “Ova pomoć

je također od ključnog značaja za ublažavanje posljedica krize. Vjerujem da politička neslaganja i zakašnjelo ispunjenje obaveza neće obeshrabriti kontinuirani angažman ove banke.”